

Broj: 03-04-321-19/22
Sarajevo, 05.05.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE BOSNE I HERCEGOVINE
SARAJEVO

Primljeno: 06-05-2022			
Org. jed.	Broj	Priloga	Vrednost
OSI	-02-	106	122

PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku

n/p gosp. Mirsadu Čamdžiću, zastupniku

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20), u pritvku Vam dostavljam akt Federalnog ministarstva energije, rudarstva i industrije, broj: 05-02-4-557/22 od 22. travnja 2022. godine, koji se odnosi na zastupničko pitanje zastupnika Mirsada Čamdžića.

S poštovanjem,



TAJNIK VLADE

mr. sc. Edita Kalajdžić

Privitak: kao u tekstu

Broj: 05-02-4-557/22
Mostar, 22.04.2022. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r mr. sc. Edita Kalajdžić, sekretar Vlade

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo
29.4.2022
03-04-321-19/2022

PREDMET: Poslaničko pitanje, odgovor – dostavlja se

Poštovani,

U prilogu Vašeg akta, broj: 03-04-321-19/22 od 17.03.2022. godine, dostavili ste radi odgovora u skladu sa nadležnostima poslaničko pitanje koje je na sjednici Predstavničkog doma Parlamenta Federacije Bosne i Hercegovine, postavio Mirsad Čamdžić, poslanik u Predstavničkom domu Parlamenta Federacije Bosne i Hercegovine.

Poslaničko pitanje kao i odgovor na isto glase:

1. „Da li Vlada Federacije BiH ili nadležno ministarstvo imaju potvrdu od kineskog izvođača radova o nastavku tzv. historijskog projekta Termobloka 7 u Tuzli? S obzirom da u javnosti prevladava mišljenje da je ovaj historijski projekat „mrtav“ ili ti propao a sa druge strane Elektroprivreda raspisuje tendere u vezi Termobloka 7 u vrijednostima od 690 hiljada maraka, 350 hiljada maraka itd.“

Na osnovu informacija kojima raspolaže ovo Ministarstvo, dostavljenih od strane JP Elektroprivreda d.d. – Sarajevo odgovor na postavljeno pitanje glasi:

Na 289. sjednici Vlade Federacije Bosne i Hercegovine, održanoj 04.11.2021. godine Vlada Federacije Bosne i Hercegovine donijela je zaključak V broj: 1660/2021 u kojem se navodi:

- (2) Zadužuje se JP Elektroprivreda BiH d.d. — Sarajevo da nastavi pregovore sa EPC Izvođačem s ciljem realizacije EPC Ugovora sa novim podizvođačima ključne opreme, uz obezbjeđenje najboljih uslova za JP Elektroprivreda BiH d.d. – Sarajevo i Federaciju Bosne i Hercegovine, uzimajući u obzir okolnosti koje su se u međuvremenu desile.
- (3) Zadužuje se JP Elektroprivreda BiH d.d. – Sarajevo da oformi Stručni tim za pregovore sa EPC Izvođačem, koji će uključiti i nezavisnog konsultanta.
- (4) Rok za okončanje pregovora sa EPC Izvođačem je šezdeset (60) dana od imenovanja stručnog tima.

JP Elektroprivreda BiH d.d. Sarajevo je provela postupak javne nabavke za usluge tehničkog konsultanta za nastavak pregovora sa EPC Izvođačem s ciljem realizacije EPC Ugovora za izgradnju bloka 7 - 450 MW u TE Tuzla, sa novim podizvođačima ključne opreme. Za tehničkog konsultanta izabran je Konzorcij: ESOTECH d.d. Slovenija i HSE INVEST d.o.o. Slovenija.

Kako je navedeno u odgovoru na prethodno pitanje generalni direktor JP Elektroprivreda BiH d.d. – Sarajevo je 04.02.2022. godine izdao Rješenje broj: 01-07-3446/2022 o formiranju Stručnog tima za tehničku ocjenu alternativnih podizvođača ključne opreme EPC Ugovora za izgradnju Bloka 7 - 450 MW u TE Tuzla i pregovore sa EPC Izvođačem. Dostavljanje tražene dokumentacije i komunikacija sa EPC Izvođačem bili su usporeni zbog obimnosti dokumentacije, otežanog dolaska stručnih lica EPC Izvođača iz Kine u BiH zbog smanjenog broja avio letova uzrokovanih pandemijom korona virusa, proljetnog festivala, odnosno Kineske nove godine koja je trajala od 01.02.2022. godine do 15.02.2022. godine, kao i kompleksnosti ponuđenih rješenja koja se analiziraju i ocjenjuju.

Kako se navodi u odgovoru, tehnički Konsultant je 29.03.2022. godine Naručiocu dostavio Izvještaj o ocjeni alternativnih podizvođača ključne opreme za realizaciju EPC Ugovora za izgradnju bloka 7 u TE Tuzla (rev.3). Ušaglašavanje Izvještaja konsultanta sa Stručnim timom JP Elektroprivreda BiH d.d. – Sarajevo je u toku.

S poštovanjem,



Dostaviti:

- Naslovu
- 05
- a/a